

## 上海陈家木桥賑所收到 外洋及香港捐款

(1884年2月15日)

顷承敝所首董招商总局总办唐景星、徐雨之、盛杏荪、张叔和、郑陶斋诸公，执事严芝楣先生示知，新加坡招商局陈金钟翁共募规元四千另三十二两；仰江〔光〕协振号蔡金玉翁共募规元二千九百四十两；香港招商局张禄如翁共募规元三千九百九十两另五钱八分。其银陆续汇到，即随时将细户刊入清单。兹将总数登明，以扬大德。日间筹解賑款，正因来源渐竭，急切呼□，乃承大惠续颁，感激同身受。语云救人一命胜造七级浮图。前项约共万金，足可救活五千人性命，无量功德，难□揄扬，尚求源源接济，俾灾民共获生全之庆，翘首海云，千叩万祝。经理人拜启。

《申报》1884年2月15日

## 上海陈家木桥賑所禀报 九年份代解賑款数单

(1884年2月15日)

敝处承各处托解賑款，随时将托解官绅银数禀报顺直东督抚尹宪，以资核实而免攘善。兹将历次禀报数目开列总数于下：禀报顺直賑款八批，共报粤闽江浙绅士徐道润等托解银二万六千五百两、衣四千件；镇江柳绅昕、张绅世祁等托解银五千两；苏州王绅炽昌、谢绅庭芝等托解银七千两、衣二千件；扬州严绅等托解棉衣二千件；浙苏扬沪公所请拨存款银四万一千七百四十四两。共计顺直

賑銀八萬零二百四十四兩、衣八千件。稟報山東賑款八批；共報粵閩江浙紳士徐道潤等托解銀四萬三千兩、棉衣九千件；鎮江柳紳昕、張紳世祁等托解銀七千兩；蘇州王紳焯昌、謝紳庭芝等托解銀七千兩、衣一千件；絲業會館施紳善昌托解銀七千兩；怡順昌善士托解銀一萬一千兩；揚州嚴紳作霖、李紳培松等帶解銀一萬六千兩。共計山東賑銀九萬一千兩、棉衣一萬件。兩共敝所代解銀十七萬一千二百四十四兩、棉衣一萬八千件。

《申報》1884年2月15日

## 上海陈家木橋賑所代收湖北賑捐啟

(1884年2月21日)

頃承咏雪居士來函云，鄂省居長江之中，東通吳會，西連巴蜀，南極瀟湘，北控關洛，談江防者視為中樞扼要之區焉。去歲蛟洪為患，無異前歲皖災，而適當直東告余，仁人君子遂不及措意。比見□□紳士致書絲業會館主施少鈔封翁，略言鄂省地半濱江，連年被水，堤田廬舍帚蕩一空，小民蕩析離居，鬻妻賣子，遍野流亡。且聞有生計斷絕，一家甘赴波流者。顛連困苦，慘不忍言。又有友人自九江來函，具言湖北災民，上游擬派二萬名至九江留養，無其地無其財云。又接漢口友人來書，略言沔陽一帶災民至此者几及萬人，該處民情素悍等因。

見聞所及，竊以為鄂省賑捐有必宜協助之道焉。頻年善士捐賑，雖本惻隱之誠，而究其指歸，實因世受國恩冀圖報效，故凡指捐賑款，不限遠近親疏，惟視關河扼塞有關防務之區，施舍獨多，蓋為國家消患計，不徒為一己造福地也，鄂省關係江防，民风素勁，宜助之道一矣。飢寒盜賊相因為緣，上年□棍滋事，曾見鄂省奏報，伏莽未必盡除，可加之以飢饉乎？安輯撫綏，尤宜注重，宜助之道二矣。粵閩江浙上年非無偏災，然以本邑紳富之力濟之猶為有余，湖北則不逮也。粵閩江浙四省，今年若可有秋，分肥補瘠，